





D E
Ors

het
schap
sal ver

De
maer

Di
omge
niet in

259 219
VVAERSCHOVINGHE
DES PRINCEN VAN
Oraengien aende ingheseten ende
onderfaten vanden Ne-
derlanden.

PROVERB. X.

Het verwachten der gherechtiger sal blij-
schap worden / maer die hope der Godlooser
sal verlozen zijn.

Den wech des heeren is des vromē moet/
maer die quaetdoenders zijn bloode.

Die gherechtighe en wort nemmermeer
omgestooten / maer die Godloose en sullen
niet inden lande bliuen.

PRO LEGE REGE
ET GREGE.

M. D, LXVIII

VVARSCHOUWINGH
 DES PRINCE VAN
 Oranjes ziele ingebetenende
 onderdanen vanden Ne-
 derlanden.

Х. БЕННЕТ

THE BIA



THE UNIVERSITY OF CHICAGO



ET CREGE.
PRO LEGE REGE

Ms. B. 1. 4. 11. 11. 11. 11.



218
Allen ende eenen yeghelickē
Staten/Bisschoppē/ Abtē/
Brelaten/Raeden/Heeren/
Edelen/Drossatē/Meysterē/
Schouteten/Borchmeesteren/Sche
penen/Rentmeesterē en Kegeerderē
vanden Lāden/ Steden/Casteelen/
Dorpen en Cloosterē/insghelijck den
Gemeenschappen/Edelluyden/Coop
luyden/Borgeren/Ingelsetenen ende
Besitteren vanden goeden huysen en
plaetsen buyten dē goeden Stedē/en
allen anderē personen/ vā wat state/
qualiteit oft conditie die zijn/ vanden
Prouincien der Nederlāden en elckē
van v besundere voer soo vele het v
mach aengaen/en dien dese tegēwor
dige getoont sullen worden/ wēschen
wy Willem byder gratiē Gods/Prin
ce vā Oraengie/Graue van Nassaw/
Catzenelleboghden/Vianden/Dietz/
Bueren/Leerdam/2c. Baenreheer vā
Breda/Diest/2c. Borchgraue vā Ant
werpen en Besancon/2c. eensament
A ij lick

lick de andere onse Heeren / vrienden
ende medehulpers in dese tegewordighe
onse nootelicke ende rechtueerdighe
nootweere ende defensie tegen de
gewelden / verdrukkingen / bloetstorting-
ingen / ende ongehoorde tirannien by
den Hertoge van Alba met zijnen aen-
hanghers inden seluen Nederlanden
voortgesteld / wt gâtser hertē / vrydō-
ruste en versekerheit / en aanbieden v
lieden en elcken vā v nae zijnen staet
en qualiteit / onsen dienst / vrientschap /
hulpe en bystant metter hulpen Gods
ende nae alle onse macht.

En hoe wel het niet noodich en schijnt
datmen alhier en besundere aen v lie-
den eenich lāge verhael doe vāden af-
grujselijckē veruolgingen / vāgen / doo-
dingen / vileinicheden / beroouingē en
vertagingen / die hen niet en hebbē ver-
milt noch alnoch en vermijden dage-
lijcx aen te rechten de voorsz. onse en
uwe viāden / iae de gemeine vianden
en verdruickers / so wel vander eeren
Gods en zijne heiligē salichmakendē

260
woorde/als vā allen den rechten/brij-
heden/preuilegien en voozspoet des ar-
men ellendigen vaderlants / d'welck
cozts te vozen in sulcken fleur en ouer-
bloedicheit geluckich was. Te meer
dat niemāt daer beter af en soude we-
ten te spreken dā ghyliedē selue/die on-
der hen deerlicke slauernie deselue ge-
buelit/lijdt/siet/hoozt en breeft. Noch-
tās op dat ghy des te bet v eigen wel-
uarē en sakē soudet begripen / hebbē
wy der seluer int cozte wel willē hier
mede doen gedencken en die ter me-
morien weder bzingē/hoe wel wy des-
sen aengaēde alreede ons genoechsaē
hebben ghequeten/so wel by onse ver-
antwozdinge wtgegeuen tegē de vals-
sche loegenen ons naegegeuē / als by
onse verclaringe wtgegaen / op dese
nootelicke defensie wel denckende en
verhopende dat de boeckkens daeraf
geprint tuwer handen ende kennissen
ghecomen sullen zijn.

Inden iersten dan / so houdē wy v in-

A iij Dachtich

tich/ en is elckē kēlick/ dat de voorsz.
Nederlande van allē tijdē zūn onder-
houdē en geregeert geweest by huerē
Princen en ouerheeren met alder soe-
ticheit/ recht en redene/ en niet anders
dan nae wt wijzen vā henne vryhedē/
rechtē/ costuymen/ herbrēngen en pre-
uilegiē/ aldaer altijs onderhoudē/ en
by den inwoonderen des Lants (als
sonderlinge liefhebbers en voorszān-
ders van hender vryheit/ en vianden
van alle geweld en verdrukkinge) eer-
tijden van Keyseren/ Coningen/ Her-
togen/ Grauen en Heeren verwozue
en vercregē/ het onderhout en volbue-
ren vanden welckē so wel de Princē
selue/ als ooc de ondersatē des Lants
van allen tijden hebben moeten aen
weersijden by formelen contracte/ be-
uestigen/ en ooc by solemnelen eede be-
sweren/ inder buegen dat ooc de inge-
setene/ mits hen onderhouden wordē
de die selue/ alleēlick tot gehoorzaam-
heit verbondē zūn/ het onderhout ooc
van

ba
ha
m
m

lo
fer
L
w
m
gr
tic
in
ge
ou
da
na
de
he
de
be
af
ga
go

26
banden welcken het lieue Vaderlant
hadde gebrocht en̄ gehoudē in sulcke
macht/riickdom ende voorszpoet als
men ghesien heeft.

Inghelijcx en can men ooc niet ge
loochenen als heel claer en̄ seker we
sende/dat banden beginsel af dat de
Landen van Spaengie zijn duer hu
welick gecomen onder eenen Heere
metten seluen Nederlanden / Enige
groote van Spaengien van ouer vijf
tich iaren altijt hebbē wtgeweest om
in eeniger manieren in hen handen te
gecrigen het regiment en̄ Dominatie
ouer sulcken ouerbloedigē Lant/ om
daer te gouernereren en̄ tiranniseren
nae hennen appetijte en̄ ghelijck spel
ders doende zijn. En̄ hoe wel de vrij
heden en̄ preuilegien des voorsz. Ne
derlandts/tselue hen altijt belet heb
ben gehat/nochtans en hebbē sy noyt
afgelaten om tallen tijde alle oorsake
gade te slaen en̄ by te brengen om de
goedertieren Princen so vele wijs te
A iij maken

inaken dat sy eens daer toe mochten
geraken. Het en is ooc niet dā te seer
elckerlicken kenlick/hoe dat de Cardi
nael van Granuelle met zijnen aenhā
geren (misbzuickende het gelooue en
de betrouwen der goeder Princen/ en
insgelijcx soeckende alleene het gantse
regiment ende geweldige Dominatie
inde selue Landen / om daer duer te
versaden hen ambitie/giericheit ende
andere passien) voortgesteld hebben so
bele verbonden/practijcken/en brem
dicheden/om onder het derel van ee
nen heiligen schijn ende name der Ke
ligie / eensamentlick vander hoocheit
en dienst des Conincx te brengen en
de te stellen/so wel de cōscientien als
persoonen ende goeden van allen den
ingesetenen inde wterste slauernie/
iae om hen te beroouen van allen hen
vrijheden / rechten/ ende preuilegien/
Allet inder waerheit tot grooten on
dienste van God / vanden Coninck/
ende vanden lande. Tot welcken ein
de

262
De zijn boortgesteld en byghebrocht so
beleymende nieuwichede/wreede ver
volgingen/bloedige Placcaten/onuer
drachelicke Inquisitie / ouerdzingin
ge der Bisschoppen/ inneminghe der
Abdijen/vercondinge des Concilien/
straffe executien der Christenen/ende
meer andere ongehoorde vonden te
ghen de vryheit des Lants/ en wille
des volcx.

Niet tegenstaende dat wy en meer
andere onse Heeren en medebroede
ren (niet anders gesocht hebbende/
noch alnoch soeckende da den waer
achtigen ende geduerigen dienst van
God/vaden Coninck/en vaden Lade
metter vryheit en voozpoet banden
ondersaten en ingeseten) te meer ston
den de cōtrarie hebben verclaert/ver
thoont ende gheraden/en altijt gepre
sen sueticheit bouen strafficheit en het
onderhout der beloften bequamer en
bet gefondeert vonden / Dan het bre
ken ende tegencomen des eedts / wt

A v oorzak

oorlake bandē welckē de boorz. Car-
dinael met zijnen aenhanck/ en die in
Spaengien met hē verstant hadden/
teghen ons en onse boorz. medebroe-
ders niet alleene eenen grooten haet
en niet sonder redene voorzghenomen
hebben/maer ooc met valsche en onbe-
hoorlijke practickē en aenbringēgē
de waerheit so weten te verduisteren
en verdraeyen/dat den goedertieren
Coninck qualick van alle sakē onder-
richt wesende/ heeft gemeint dat onse
getrouwe raden/ daden en diensten/
oorspronck namē wt eergiericheit/ en
zijne goede getrouwe ondersaten ge-
acht vooz oproetige / wederspannige
en rebelle (hoe wel deen en dandere
onwarachtich was) waer duer sy soo
bele ghemaect hebben / dat sy hebben
vercregen toelatinge oft orlof om nae
hen goetduncken daerinne te versien/
dwelck was het ghene dat sy so lange
gesocht hadden.

En al haddē de boorz. Inquisitien/
execu-

267
executien/ mandaten/ veruolgingen/
nieuwichedē en voortstellē des voorsz.
Cardinaels en der zijne (vsurperēde
op de hoocheit niet alleen vande Sou-
neruante/maer ooc vanden Coninck)
het lant te voren seer beschadicht en
vercozt en een ouergroote menichte
der ingeseten ouervallē/veriaecht/ be-
rooft en gedoot/censamentlick de ou-
de gewoonlickē vryheit seere gecroet
en verhindert. Nochtān heeftmen ges-
ien en siet al noch (helaes met groote
hertsweer) heden sdaechs: en is te be-
duchten datmen naemaels noch meer
sien sal/indien het God niet en verliet
(so wy betrouwen dat hy doen sal/ en
wy ons daer toe zijn vuegende na al-
len onsen waterstē vermogē) hoe groo-
telick en deerlick alle de voorsz. nieu-
wicheden/voortstellē/verdruckingē/
inquisitien/veruolgingen/doodingen
vangingen/executien en tirannien/ge-
meerdert en vermenichvuldicht zijn/
Jaē alle mēschelickheit te bouē gaen/
sichtent

sichtent dat de boorz. Hertoge (ouder
Den naem en hem Deckende mette auc
toriteit banden Coninck) inden seluen
landen met zijn Spaens crijchvolck
is gecome/insgelijcx hoe dat die selue
Laden wter hoochster boorzpoet zijn
geuallen inder diepster ellendicheit/
en in wat onuerdzacheliker slauernie
zijn gecomen de goede ondersaeten/
die te voren goede vryheit hadden/iae
hoe deerlick aldaer liggen verdruckt
ende vernielt metter Religien ende
woorde Gods/oec de pzeuilegien en
de rechten des Lants.

En want al selue so notoir is/soo
dunct ons genoegh wesen/dat wy dat
in sulcker generaliteit zijn verhalēde/
want wilde men hier vercleren en spe
cificeren so vele iammerlicke/afgruse
licke en onmenschelicke verdruckin
gen/vertagingen/aentastingen/moe
dingen/gewelden/schoffierungen/con
fiscatien/boortroepingen/banissemen
ten/en andere ontallicke ouerlasten/
ghe

gedaen binnen zynen tijden tegen soo
goede getrouwe ondersatē/ het ware
om nemmermeer gedaen te hebben.

Jaer vooz een exemple sal ghenoech
wesen in plaetse vā dīrysēt/ dat deselue
Hertoge (volgēn so wel de costuyne
der Tirānen als het voornemen des
voorz. Cardinaels die daer naer had-
de gehaect en zijne M. gaerne daer
toe gebracht al eer die nae Spaengie
ginck/so hy des doen hope ghecregen
hadde/so verre hy de Spaengarden
hadde int Lant connen behouden) ter
stont tlijnder aencoemste heeft vā mei-
ninge gheweest het lant te beroouen
van allen den meesten Heeren ende
voorztaenders desselfs Landts / die
hen altijt getrouwelijck haddē geque-
ten inden dienste des Conincx en des
vaderlants. Ende want eenige vooz-
siende sulcken tempeest/ metter hul-
pen Gods waren in tijts vertroocken
ende ontcomen / so heeft hy soo be-
driechelijck als elck wel weet/ aende
an

andere de handt gesagen / en̄ geuan-
gen genomen t̄wee vanden principael
sten Heeren / te weten sijne ende onse
medebroederen de Grauen van Eg-
mont en̄ Hoorne / mitsgaders herschei-
den andere Heeren / Edelmans / ver-
uaren hieden / en̄ andere persoonē van
qualiteite / alles sonder eenige vooz-
gaede informatie oft behoorlicke ken-
nisse / de welcke hy oock daernae so ti-
rānelick en̄ moordelick almen gesien
heeft / buyten alle ordze vā rechte heeft
doen dooden en̄ ombrengen. Daeren-
tusschen en̄ heeft hy ooc gheen minde-
re tirannie gebuicht tegen die eere en̄
goeden der vertroockene / madiē hi hen-
lichamen in zijn gewalt niet crijghen
en̄ conste / hebbende de selue so schāde-
lick en̄ onrechtueerdelick vooztgeroe-
pen / gelastert / gebannen en̄ alle t̄ghee-
ne geconfisquiert / ghelijckt elcken ken-
nelick is / en̄ dit al onder t̄decsel van
versierde loegenen / gelijk de wtgege-
uen Justificatien wel bewijfen.

Ad

26
Ab can elck wel bebroeden dat alle
dese wozeetheden/ bloetvergietingen/
onmenschelicheden en tiranien so seer
contrarie allen Godlicken/ natuerlic-
ken en gescreuen rechten/ iae oock te-
gen alle de vrijheden/ eeden/ contrac-
ten/ en preuilegien des Lants voort-
gesteld/ en bedreuen worden/ dat alle
de menschen vader werelt/ en niet al-
leen int particulier alle en elckerlijcke
de Staten/ Kaden/ Steden/ Casteel-
len/ Dorpen/ Plaetsen ende Inwoon-
deren vaderseluen Nederlanden/ maer
ooc int generael alle Princen/ Heere/
Landen/ Steden en Personen van
buyten t'lants/ iae mede de Torcken/
Heydenen en verre ghesetene des hem
behoorden aen te trecken en medelij-
den te hebben/ insghelijck behulpich
te wesen om so groufsamen tirannie te
wederstaen.

Maer bouen al so behoorden alder
eerst wel te ontwecken alle de ghene
banden seluen Nederlanden/ en te ge-
den

Dencken heur gewoonlicke byzheit en
boorspoet/mitsgaders genoeg te doe
ne der verbintenisse en gelofte die sy
tot hueren Vaderlande hebben/insge
lijck goede achte te slaen opten eedt
dien sy gedaen hebben voor het onder
houdt van slants preuilegien / en met
lijue en goede nae allen hen vermogē
hen wel te quiten en tarbeiden om
dese ouerdaden te weeren/en met con
trarie gewelt en macht hen seluē we
der te stellen in hen oude gewoōlicke
byzheit/aengemerct alle wegen van
verthooninghen en bidden sijn beno
men/en anders gheene middelen en
resteren/naedien dese gemein biandē/
Die Co. M. wel hebben so verre weten
te verblenden/als tot sijnen eenighen
sone/ Des Lants toecomende Heere/
ghenangen te stellen.

Om waerinne van onser sijden niet
te faillerē/maer onser eere/eede/ state
en verbintenisse genoeg te doene/en
nae onsen wtersten vermoghen ons
wel

261
wel te quiten en te emploieren ter eer-
ren Gods ende tot vorderinghe zijns
Godlijcx woorts/ oock tot vermeerde-
ringhe der hoocheit/ auctoriteit ende
name zijns Con. A. eensamelijck om
weder in state te stellen/ de vrijhedē/
preuilegien en voorspoeden der Ne-
derlanden/ insghelijcx om te restitue-
ren/ ende hen lant ende goet weder te
doen hebben den veriaechden/ geban-
nen en beroofden/ mitsgaders om te
verlossen de geuanghen / gequelde en
verdruckte/ en daerneffens om te ver-
troosten ende versekeren de veronge-
lijckte/ ghedreychde/ bebreefde en ge-
neralijck alle de ingesetē des Lants/
ende eintelick tot onderhout ende be-
waringhe banden staet/ goeden ende
vordeelen van eenē yegelijcken in zijn
qualiteit/ hoocheit ende vrijheit.

Soo hebben niet alleene wy ende
andere Heerē onse vrienden ende ma-
gē des Nederlants/ alle het onse daer-
om gewaecht/ maer oock hulpe ende

B

by

bystant versocht en verhozen van
verscheiden andere onse heeren/vrien
den ende geallierde ende zijn allega-
der van meininge te emploieren ende
daer toe te stellen lijff en goet en alle
tgene des wy inder weerelt hebben/
om soo heylighen rechtuerdighen goe-
den en nootelijcken voornemen/aen-
slach ende nootweere tot eenen goedē
einde te brenghen tot waerachtighen
dienst van God/vanden Coninck en
vanden Lande om te handthouden/
de goede ondersaten in hen byzheyt
en inde behoorlicke ghehoorsaemheit
van zijne M. Inghelijc om daer wt
te verdriue de vooz. grausame tyrā-
nen/bloetstorters en vremdt Ouloch-
volck/dwelck volbrocht en vastelijck
verskert wesende/Sullen wy de aē-
genomen wapenen aflaten so ende ge-
lijck wy in onse vooz. voorgaende de
claratie breedere verclaert hebben.

Verhoopende oock ende ons vaste-
lijck betruwende dat ghylieden ende
elck

26
elck van blieden/ van sijnder sijden
ooc sal gedachtich wesen/ hoe hy schul
dich is de sake te boorderen en na sint
waterste macht hem sal stellen om hem
daer in wel te quiten met liue ende
met goede ende met al dat hi can/ soo
zijn eigen vaderlant ende de verbinte
nisse die hy aendē seluen heeft hē daer
toe vermaent/ d welck doende/ soo ver
sekeren wy v dat ghy aen ons en alle
de onse sult binden alle moegelijck be
hulp ende bystant/ Insgelijcx dat wy
v na onsen vermoegē sullen voorsae
en beschuddē van allē verdruckingē/
etingē/ roouingen/ brantschattingen/
en ouerrompelē/ die t volck van Orlo
gen gemeinlick aenrecht / waerinne
wy hopen so goedē ordre metter gena
de Gods te stellē/ dat op als versie sal
wesen/ want na dien wy alle dit selue
doen/ om de landen ende ondersatē te
helpen/ ende verlossen/ waer ons seer
leet/ dat de selue daer mede verdruct
ende ouerlast werden.

26 ij

Maer t

Maer soo ghi wel weet dattet niet
mogelijck en is datmē tvolck van D
logen in goet bedwanck ende ordene
houde oft wel emploiere so dz behoort
sy en zijn wel betaelt/ ende dattet de
redene oock wel wttheischt dat ghy lie
der ende elck van v/voor v eigen wel
uaert ende verlossinghe behulpich v
thoont/ende mede contribueert ende
helpt veruallen de groote costen/daer
toe behoeuēde/die wy alleene niet en
connen verleesten soo ghy wel cont be
uroeden.

Soo versuecken en begeeren wy
ernstelijc aen v en elck van v/dat ghi
elck na zijn macht en staet v daer toe
schickt/wtreict en contribueert op dz
by ghebreke van dien so goeden werc
niet onder wegen oft onvolbracht en
blijue (Des wy hopen dat niet en sal)
ende blieden namaels niet en come te
berouwen van vwer onachtsaemheit
clemherticheit ende luttel behulpsaē
heit tot uwer verlāgder vrisheit/ Tot
wel-

26a
welcken einde sult ghylieden elck nae
sijnen staet moegen seinden uwe ghe-
deputeerde neffens ons oft de ghene
die wy tallen plaetsen daer wy wesen
sullen/daer toe sullē committerē met-
ten welcken ghy sult moghen verdra-
gen ende sluyten vander sommen die
elckerlick sal by tijden mogen en be-
hooren te bestellen ende besorghen.

Daer neffens oock vlieden met des-
sen opentlicken geschrifte willēde ge-
waerschout hebben/dat soo verre by
gebreke vā tgene des voorsz. is/ ghilie-
den niet geholpen oft voorgestaen en
wort/ en vlieder daer ouer eenich ge-
welt/plonderinge/weteringe oft ande-
re ongeluc wedervaert/ Dat tselue sal
toecomen by uwer ende niet by onser
schult/ Soo wy anders niet en soeckē
dan v te beschudden / beschermen en
verloffen/mits den welcken wy ons
dien aengaēde by desen van nu af wel
hebben willen verontschuldigen/en
entslaen vooz God / voordē vader-

B iij lande

lande voer v selfs/ en voer de gatsche
werelt/ op dz ghi namals niet en segt
oft v en beclaecht dat ghy in tijts niet
en zijt ghewaerschouwet/ noch om v
eigen weluaren te vozen onderricht/
ende verhopende dat ghi dien aengae
desulcken sorghe sult draghen als v
seluen noodich is/ Bidden wy Godt
dat wy coets blieden moghen sien we
der ghestelt in uwen ouden vrydom
ende voerspoet/ Gegeuen in on-
sen Weltlegher den eersten

Septembris 1568.

Ondergheteekent
Guillam de Nassaw.

PRO LEGE REGE
ET GREGE.

che
egt
uet
n v
ht/
gaē
ls v
odt
we
om
kent
Qaf
168a